



ՀՈԳԵՎՈՐԱԿԱՆԱՅ ՀԱՄԱԳՈՒՄԱՐ ՄԻԱՅՅՍԱԼ ՆԱՀԱՆԳՆԵՐԻ ԱՐԵՎԵԼՅԱՆ ԹԵՄԻ

Վեհափառ Հայրապետի բարեհաճ կարգադրությամբ և Ամերիկայի Միացյալ Նահանգաց արևելյան թեմի առաջնորդ տ. Թորգոմ արքեպ. Մանուկյանի հրավերով այս տարի հոգևորականաց համագումարին մասնակցելու համար Մայր Աթոռից ապրիլի 28-ին Նյու-Յորք են մեկնում Մայր Աթոռի միաբան և հոգևոր ճեմարանի դասատու տ. Գևորգ վրդ. Սերայդարյանը և Օրջոնիկիձեի հայոց ս. Սարգիս եկեղեցու հոգևոր հովիվ տ. Կարապետ քհն. Գլըրճյանը:

Հոգևորականաց համագումարը այս տարի տեղի է ունեցել մայիսի 2—3 օրերին Նյու-Յորքի նահանգի Ռոթթրուիլիթ քաղաքի ս. Պետրոս եկեղեցում՝ մասնակցությամբ 28 հոգևորական պատգամավորների:

Համագումարի պաշտոնական բացումից և դիվանի ընտրությունից հետո, հատենի ժողովի ընթերցվում է Ամենայն Հայոց Վեհափառ Հայրապետի օրհնության և ողջույնի գիրը, որն ունկնդրվում է հոտնկալա:

Համագումարին ներկա է լինում նաև Մայր Աթոռի միաբան, Ռուսիկայի և Բուլղարիայի հայոց առաջնորդ տ. Տիրայր եպ. Մարտիրոսյանը, որը ԱՄՆ-ի հայոց առաջնորդ տ. Թորգոմ արքեպ. Մանուկյանի հրավերով գտնվում էր այնտեղ:

Համագումարում տ. Տիրայր սրբազանը, հանուն Հայոց Հայրապետի, ողջունում է համագումարի բացումը և հաղորդում ան-

ձամբ Հայոց Հայրապետի ողջույններն ու օրհնությունները: Տիրայր սրբազանը մասնակցում է համագումարի աշխատանքներին և այնուհետև հանդես գալով ոգեշունչ ու հայրենասիրական ելույթներով իր այցելած քաղաքներում:

Մայր Աթոռի մյուս երկու պատգամավորներն էլ՝ տ. Գևորգ վրդ. Սերայդարյանը և տ. Կարապետ քհն. Գլըրճյանը, նույնպես մասնակցում են համագումարի աշխատանքներին, դասախոսություններ են կարդում, ապա լինում են կազմված ծրագրի համաձայն, Հյուսիսային Ամերիկայի արևելյան թեմի մի շարք քաղաքներում, որտեղ ս. պատարագ են մատուցում, հանին կենաց քարոզությամբ մխիթարում հավատացյալներին, հաղորդում Հայոց Հայրապետի ողջույններն ու օրհնությունները և վերածնված Հայոց աշխարհի խանդավառ խարրիկներով խանդավառում ամերիկահայ ժողովրդի հայրենակարոս սրտերը:

Տ. Գևորգ վրդ. Սերայդարյան

Մայիսի 8-ին դասախոսություն է կարդում հոգևորականաց համագումարում «Տոմարի անցած փուլերը և բարեփոխությունները հայոց մեջ» թեմայի շուրջ և ապա պատասխանում ժողովականների մի շարք հարցերին:

Դասախոսությունը ունկնդրվում է մեծ հետաքրքրությամբ և որոշվում է այն թարգմանել անգլերենի:

Մայիսի 7-ին տ. Գևորգ վարդապետը պատարագ է մատուցում Նյու-Յորքի հայոց ս. Վարդան Մայր տաճարում և քարոզում «Ես եկի զի զկեանս ունիցիք և առանել ևս ունիցիք» բնաբանով:

Ս. պատարագից հետո տ. Գևորգ վարդապետը մասնակցում է մայրերի օրվա հանդիսությանը, ուր և դասախոսում է «Մայրերի դերը ընտանեկան դաստիարակության գործում» թեմայի շուրջ:

Մայիսի 8—18-ը տ. Գևորգ վարդապետը այցելում է Նյու-Յորքի տեսարժան վայրերը, ապա հիվանդանոցներում գտնվող հայ հիվանդներին և միխթարում նրանց:

Մայիսի 14-ին տ. Գևորգ վարդապետը պատարագում է Նյու-Ճորձիի հայոց ս. Խաչ եկեղեցում և քարոզում «Քոմ ամենագօր և հրաշալի գալստեան քո, Տէր, երկիր պագանեն գօրք հրեշտակաց» բնաբանով:

Մայիսի 17-ին տ. Գևորգ վարդապետը այցելում է Վաշինգտոնի հայոց եկեղեցին, ուր ընդունվում է տ. Բարգեւ եպս. Վարժապետյանի կողմից, ապա այցելում է մայրաքաղաքի տեսարժան վայրերը:

Երեկոյան Վաշինգտոնի հայոց եկեղեցում առընթեր սրահում տ. Գևորգ վարդապետը դասախոսություն է կարդում «Հոգևոր անմարանը այսօր» թեմայի շուրջ:

Մայիսի 22-ին տ. Գևորգ վարդապետը պատարագում է Պրովիդենսի հայոց ս. Սահակ-Մեսրոպ եկեղեցում և քարոզում «Ես աղաչեցիք զՀայր և նա միխթարիչ տացէ ձեզ» բնաբանով:

Մայիսի 22-ին տ. Գևորգ վարդապետը Պրովիդենսում հրապարակային դասախոսություն է կարդում և Էջմիածնի դերի և նշանակության, ինչպես նաև հայոց վերածնված ժողովրդի մասին:

Մայիսի 28-ին Մեսչուսեցի նահանգի Սիրինգֆիլս քաղաքի հայոց եկեղեցում առընթեր սրահում տ. Գևորգ վարդապետը հանդես է գալիս Մայր Աթոռ ս. Էջմիածնի վանքի պատմության և հոգևոր անմարանի կյանքի վերաբերյալ շահեկան դասախոսությամբ:

Մայիսի 24-ին տ. Գևորգ վարդապետը Ուոտերտաուն քաղաքում մասնակցում է տեղի հայ մանկապարտեզի սանիկների ամավերջի հանդիսությանը, իսկ **մայիսի 25-ին** Բոստոնի հայոց ս. Երրորդություն եկեղեցում առընթեր սրահում դասախոսում է հայ ժողովրդի կրթնասիրական, հայրենասիրական բարձր զգացմունքների մասին:

Մայիսի 28-ին տ. Գևորգ վարդապետը ս. պատարագ է մատուցում Սիրինգ Գիլսի

հայոց ս. Հովհաննես Ալեոսարանիչ եկեղեցում և քարոզում հոգեգալստյան տոնի հոգեկոր նշանակության մասին:

Հունիսի 4-ին Մայր Աթոռ ս. Էջմիածնի տոնի առիթով Նյու-Յորքի հայոց ս. Վարդան Մայր տաճարում պատարագում և քարոզում է տ. Գևորգ վարդապետը՝ «Էջ Միածինն ի Հօրէ և լոյս փառաց ընդ նմա» բնաբանով:

S. Կարապետ քհն. Գլընյան

Մայիսի 2-ին տ. Կարապետ քհն. Գլընյանը հոգևորականաց համագումարում կարդում է «Ի՞նչ է պատվիրում Հիսուսը մեզ այսօր» թեմայի շուրջ, դասախոսություն, որն ունկնդրվում է մեծ հետաքրքրությամբ:

Մայիսի 7-ին պատարագում է Նյու-Ճորձի նահանգի Իունըն Սիթի քաղաքի ս. Խաչ եկեղեցում և քարոզում «Արդ, եղերուք դուք կատարեալք որպէս և Հայրն ձեր կատարեալ է» բնաբանով:

Մայիսի 14-ին տ. Կարապետ քահանան պատարագում է Նյու-Յորքի հայոց ս. Վարդան Մայր եկեղեցում և քարոզում «Ելանեմ ես առ Հայրն իմ և առ Հայր ձեր և Աստուածն իմ և Աստուած ձեր» բնաբանով:

Մայիսի 21-ին տեք հայրը պատարագում է Մեսչուսեց նահանգի Ուոտերտաուն քաղաքի ս. Հակոբ եկեղեցում և քարոզում «Ես աղաչեցիք զՀայր և այլ միխթարիչ տացէ ձեզ, զի ընդ ձեզ բնակեացէ ի յաիտեան» բնաբանով:

Մայիսի 28-ին Լոպել քաղաքի ս. Վարդանանց եկեղեցում պատարագում է և քարոզում «Միշտ անջարժ պահեա զԱթոռ Հայկազնեայս» բնաբանով:

Հունիսի 4-ին ս. Էջմիածնի տոնի օրը, տ. Կարապետ քահանան պատարագում է Նյու-Ճորձի նահանգի Թենսֆլայ քաղաքի ս. Թովմաս հայոց եկեղեցում և քարոզում «Եկայք շինեսցուք սուրբ զխորանն լուսոյ, քանզի ի սմա ծագեաց ձեզ լոյս ի Հայաստան աշխարհի» բնաբանով:

Մայիսի 15—16 օրերին տ. Կարապետ քահանան լինում է Ֆիլադելֆիայում, այցելում իր ազգականներին, իսկ **մայիսի 17—18** օրերին անցնում Վաշինգտոն, ուր տեղի հայոց եկեղեցում, հանրության ստաշ, հանդես է գալիս Մայր Աթոռ ս. Էջմիածնի և վերածնված Հայոց աշխարհի և ժողովրդի մասին հայրենասիրական դասախոսությամբ:

Մայիսի 20—29 օրերին տ. Կարապետ քահանան այցելում է Ուոտերտաուն, Քեմքիշ, Սիրինգֆիլս և Լոպել քաղաքներ և հանդիպում ունենում տեղի հոգևոր հովիվների և հավատացյալների հետ:

Տ. Կարապետ քահանան հրապարակային և ընտանեկան հալաքությունների ժամանակ հանդես է գալիս Հյուսիսային Կովկասում գտնվող հայ եկեղեցիների և այնտեղ պաշտոնավարող հայ քահանաների, հոգևոր հովիվների և ժողովրդի հոգևոր կյանքի մասին:

Ամեն տեղ Մայր Աթոռի երկու պատգամավորները վայելում են եղբայրական ջերմ հոգատարությունը, առաջնորդ տ. Թորգոմ արքեպ. Մանուկյանի, տ. Տիրան արքեպ. Ներսիսյանի, տ. Բաբգեն եպս. Վարժապետյանի, իրենց այցելած քաղաքների վարդապետ կամ քահանա հոգևոր հովիվների և հայ հավատավոր ժողովրդի գուրգուրանքն ու ուշադրությունը:

Մայր Աթոռի երկու ներկայացուցիչները ս. պատարագից հետո եկեղեցիներին առընթեր սրահներում հանդիպումներ են ունենում հայ համայնքի անդամների, մտավորականների, արվեստագետների, քույր եկեղեցու ներկայացուցիչների հետ, ա-

մեն տեղ խոսում եկեղեցասիրության, էջմիածնասիրության և հայրենասիրության մասին, պատասխանում իրենց տրված բոլոր հարցերին, վեր հանում Մայր Աթոռ ս. Էջմիածնի օրհնության ներքո սիրյուքի պայմաններում հայ եկեղեցու և հայ հոգևորականության կատարած հոգևոր դաստիարակչական, ինչպես նաև հայապահպանման շնորհակալ աշխատանքները և հետևյալի Ամերիկայի հյուրընկալ հողի վրա ապրող մանավանդ երիտասարդ հայրդիների սրտերը խանդավառում ս. Էջմիածնով և վերածնված Հայոց երկրի պայծառ ապագայով:

Հունիսի 10-ին տ. Գևորգ վրդ. Սերայդարյանը և տ. Կարապետ քհն. Գըլլընյանը, որպես Մայր Աթոռի ներկայացուցիչներ մասնակցելուց հետո հոգևորականաց համագումարին և իրենց հոգևոր առաքելությունը բարեխղճորեն կատարած, վերադառնում են Մայր Աթոռ ս. Էջմիածին:

